

KANTIG SANT GUÉNOLÉ

DISKAN : *Ton Kelven.*

*Sant Guénolé beniget, hor Patron hag hon Tad,
Greit ma vimp guir Gristenien, guir Vretöned dalc'hmat ;
Greit ma chomo gruiennet, don en hor c'halonou,
Ar feiz ho pevs prezeget er vro-ma d'hon tadou.*

1

*Burzudou bras Guénolé, anavet tro-ha-dro,
A c'halvé da Lann-ar-Zent tud eus peor c'horn ar vro ;
Guénolé ziské d'an ol penaoz zervij Doué
Ha kerzet a bazou bras var binojen an Né.*

2

*O disk i a ré ivez da zigor an douar,
D'ober eus o lanneier parkou, prajou dispar ;
É aliou, é furnez a ziské d'hon tadou
Beva zantel hag eurus 'neur greski o madou.*

3

*Pa bouezé var an douar, ével goa'en Doué,
Ar zorn, ar glao, ar zec'hour, hon tud koz a redé
Da bedi sant Guénolé da huellat an amzer,
Hag a zistroé laouen ha dianken d'er ger.*

4

*Evel guéchal hon Tadou, ni fel d'imp kenderc'hel
D'énori sant Guénolé, da c'houlen é skoazel ;
Bep bla d'ar Rogasinou ha da zé é Bardon
Tud Gourin za d'en meuli, d'en pédi a galon.*

5

*Sant Guénolé beniget, chilaouet hor peden,
Taolet eur zell a druez var ho pardonieren ;
Zellet ezomou o c'horv, ézomou o éné,
Ha var ol parrez Gourin tennet bennoz Doué.*

6

*Goulennet digant Doue ma za'c himp sterd d'ar feiz,
D'ar feiz nerzus prezeget ant tud santel bro Breiz ;
Goulennet ma vimp vel d'eoc'h en hor c'hozni eurus,
Da c'hortoz ma vimp galvet da Balez kaér Jezus.*

Mat de vut mouillet :

A. GUILLEVIC,

Vik-bras.

Guéné, 20 a viz eost 1925.

KANTIG SANT PHILIBERT

DISKAN: *Ton Iliz Skaér*

*Sant Philibert, pedet Doué
Da daol eur zel leun a drué
Var ho pugale doualinet } bis
Dirak ho limaj beniget.*

1
Tud Philibert, kreiz o danvē,
Oa guir zervijerien Doué ;
Da Jezus, raok ma oa gannet,
O c'hoedurig o doa gloestret.

2
N'o doa kin zonj ar gerent-sé
Met d'en zevel hervé Doué :
Ar c'hetan komz en doa disket
Oa Hano dous Zaiver-ar-bed.

3
Guélet vizé, iaouankik flam,
E zornig é hini é vam,
O vonnet laouen d'an iliz,
Fur giz eun èl pad an ofis.

4
Nag éurus eo eur vam, eun tad
En deus bugalé disket mat,
Rak diganté hi gav eun dé,
Konfort, levenez, karanté.

5
Sant Philibert, dré ho peden,
Zikouret ar gerent kristen
Da zevel mat o bugalé
D'o zével é doujans Doué.

6
E garanté vit é dud vat
Gant an oad ne ras met krenvat;
Mes mouez Doué p'en deus klévet,
O dilezel ra vit bepred.

7
Galvet da vut den a Iliz,
Hen a zilez é genvroïz,
Vit prezeg gant eur feiz nerzus
Lezen é Vestr karantézus.

8
D'an tier zantel e zavas
Eus pep bro an dud a redas
Da c'houlen gant mignon Doué
Iec'hed ar c'horv hag an éné.

9
Hen varvas giz en doa bevet
Gant Doué, gant ar bobl karet,
Ha raok pel é peor c'horn ar vro
Ieur a iliz zoug é hano.

10
Var *Krog-Landerek* hon tud kez
A zavas giz eun neizig kloz.
Eur chapelig d'en énori,
Ha gant feiz ni za d'en pedi.

11
Ia, bep bla d'ar *Rogasinou*,
Tud Gourin, dré an ol henhou
Za dà béri sant Philibert
Da veniga o farkeier.

12
Dont a ramb da zé é *Bardon*
Da laret d'ezhan a galon :
Hon diouallit, sant Philibert,
Eus pep droug, eus pep goal amzer.

Mat da veza mouillet :

A. GUILLEVIG,

Vik bras.

Guéné, zo a viz eost 1925.